


## Lekcije: Windows PREČICE (SHORTCUTS)

Ako neke programe upotrebljavate svakodnevno, dobro će vam doći prečice do njih. Prečica je datoteka koja nalaže vašem kompjuteru da na određenoj lokaciji potraži drugu datoteku i pokrene je.

Kada želite da napravite prečicu potrebno je da otvorite prozor u kojem se nalazi datoteka čiju prečicu hoćete da postavite na radnu površinu (Desktop).



Kada pronađete tu datoteku i označite je, držite pritisnutu lijevu tipku miša i vućete pokazivač miša na radnu površinu. Kada dođete na radnu površinu, otpustite lijevu tipku miša. Na vašoj radnoj površini se pojavila ikona koja je ista kao i ikona programa za koji ste kreirali prečicu. Pozivanje programa se vrši dvostrukim klikom na tu ikonu.

Prečica se može kreirati i tako što označite određeni program, a zatim kliknete desnom tipkom miša. Iz menija koji se pojavi izaberete opciju *Create Shortcut*. U prozoru u kom se nalazite će se pojaviti nova datoteka sa imenom *Shortcut to ...*. To je ustvari prečica za vaš program. Označite je, držite pritisnutu lijevu tipku miša i povučete pokazivač miša na radnu površinu.

**Drugi način je da označenu datoteku kopirate, pa na radnoj površini (Desktop) kliknete desnom tipkom miša i odaberete opciju *Paste Shortcut*.**

